

蔡忠惠公文集

序

宋端明殿學士蔡忠惠
公集凡三十六卷其裔
孫刑部鶴村君重刻於
溫陵不遠數千里走書

介其鄉雷君貫一請序
於余余嘗論三代而下
治道最近古者莫如宋
人材風俗之盛莫如宋
慶歷至和蓋其時天子

慕治甚急待下以誠馭
衆以寬二三執政皆知
惜大體崇名節生其閒
者咸翹然自負爭自刮
削濯磨而前後左右之

臣裨闕補漏繩愆糾謬
至有聞之者爲蹙縮汗
浹而言之不疑天子雖
不能盡用之亦不罪故
有志之士益踴厲激奮

咸知懼慙阿諛之可耻
而犯顏廷諍之爲忠也
其議論風采遂釀成一
代剛敢之風而廟堂之
上用人行政亦薰然而

進於古蓋余嘗讀歐陽
文忠公集如斥宰相陳
執中奸邪乞裁美人張
氏恩寵論杜衍范仲淹
不當罷唐介王陶等不

當遠徙皆深切懇歛可
畏可愛乃反復忠惠公
斯集則歐公之所言者
公旣與爲先後表裡而
其閒格正非心觝排邪

術阻抑權倖尤足以佐
歐公所不逮蓋歐公長
於論辨婉諷曲譬言雖
切直而不盡公則蹇蹇
嶽嶽主於達已之意而

止而忠誠惓樸使人主
望而知爲奉公體國之
士不二心之臣其致不
同而用心一也公爲諫
官在慶歷三年其外補

福州在四年任言責者
一年耳而集中所載大
抵啓沃之言爲多然則
謂時無闕政可以不言
又謂言之未必聽當需

之以待時者皆誣也向
令仁宗久置公左右則
其裨闕補漏繩愆糾謬
者又寧止是歟史稱公
敏於政事然以余考公

泊蹟如復五塘造萬安
橋禮海濱四先生以經
術造閩人人所知者僅
此耳至集中所論明禮
擇官任材正刑練兵十

大者皆係天下之
利病一時之緩急吏治
之良疵至其料西北事
宜尤洞中機窺得其要
領惜其言不盡用陵夷

至於建中靖康之季其
弊皆卒如公言由是觀
之公之材未嘗殫其見
於治郡彰彰者乃其蘊
抱之緒餘也公爲詩歌

雜文俱可傳片楮零墨
亦不苟鶴村斯集所收
皆無遺漏其軼見於稗
書邑乘者悉以類相從
可謂勤矣余序公集特

論其大者蓋公之卓卓
可稱者在是俾後之人
知古人立言耻爲無用
之言而剛方遁上之氣
光明俊偉之風尤足以